

Ponašanje prije i nakon operacije u KSB

Informacije za djecu

Anästhesie
Sprechstunde
Direkt +41 56 486 31 46
ipas.chirurgie@ksb.ch

Dragi roditelji i djeco

Svojom saradnjom možete doprinijeti spriječavanju neugodnih propratnih pojava ili komplikacija do kojih može doći kod svakog postupka anestezije. Molimo Vas da doprinesete spriječavanju incidentnih situacija, tako što ćete se pridržavati sljedećih sigurnosnih pravila:

Neuzimanje tekućina i hrane

Kratka vremena neuzimanja tekućina i hrane poboljšavaju stanje Vašeg djeteta prije i nakon operacije. Ukoliko nije drukčije dogovoreno, važe sljedeća pravila za neuzimanje tekućina i hrane:

Dolazak na dan operacije

- Dojenčad (do 1 godine starosti)
 - Probudite Vaše dijete noću i dajte mu da pije 4 sati prije dolaska mlijeko iz flašice ili 3 sata prije dolaska majčino mlijeko.
 - Ako je Vaše dijete već naviklo na čaj/vodu, dajte mu 1 sat prije ulaska da popije bistru tekućinu poput zaslađenog čaja ili vode (bez mlijeka/slatka, bez pulpe).
- Djeca (iznad 1 godine starosti)
 - Probudite Vaše dijete 1 sata prije dolaska i dajte mu da pije zaslađen čaj ili vodu (bez mlijeka/slatka, bez pulpe).
 - Do 4 sata prije ulaska je maksimalno 200 ml mlijeka/čokoladnog mlijeka dozvoljeno.
 - Čvrsta hrana dozvoljeni su do 6 sati prije ulaska.

Dolazak jedan dan prije operacije

- Ukoliko nije drukčije dogovoreno, Vaše dijete ne mora doći praznog želuca.

Sopstveni lijekovi

Donesite sa sobom na dan dolaska sve lijekove koje uzima Vaše dijete. Dajte Vašem djetetu njegove jutarnje lijekove kako slijedi.

Lijekovi:

Vakcinacije / cijepljenja

Vakcinacije / cijepljenja mogu dovesti do neželjenih reakcija i negativno uticati na opće stanje Vašeg djeteta. Zbog toga je preporučljiv vremenski sigurnosni razmak između vakcinacije / cijepljenja i operacije odnosno anestezije:

- 3 sedmice od vakcinacije / cijepljenja protiv zaušnjaka, ospica, rubeola, ovčjih boginja / vodenih kozica (varičela), žute groznice
- 1 sedmica od vakcinacije / cijepljenja protiv difterije, grčevite trzavice / sklopca (Tetanusa), velikog kašlja / hripavca (Pertusisa), dječije paralize (Polliomyelitisa), Haemophilus influenzae tipa B, hepatitisa A/B, humanih papilloma virusa, gripe (Influenza), pneumokoka, meningokoka, ranog ljetnjeg meningoencefalitisa bjesnila, COVID

Ukoliko se datum operacije Vašeg djeteta nalazi unutar ovog sigurnosnog razmaka nakon izvršene vakcinacije / cijepljenja, molimo Vas da nam se javite, kako bismo uskladili termin operacije. Vakcinaciju / cijepljenje bi međutim trebalo sprovoditi prema planu. Nakon operacije / vanestezije preporučujemo vremenski sigurnosni razmak do sljedeće vakcinacije / cijepljenja od jedne sedmice.

Nakit, dragocjenosti i pomagala za vid

- Ostavite kod kuće komade nakita i druge vrijedne predmete.
- Elektronski uređaji za zabavu skraćuju bolničku svakodnevnicu, ali se lako mogu izgubiti. Pažljivo odlučite!



- Ukoliko je kod veće djece planirana isključivo regionalna anestezija, u operacionu salu (OP) može se ponijeti uređaj za slušanje muzike (MP3-Player, mobilni smart telefon u režimu letenja). U slučaju gubitka ili štete odbija se svaka odgovornost.
- Piercing može dovesti do opekotina. Ostavite ga, ukoliko se može skinuti, kod kuće. U suprotnom morate na to upozoriti ljekarke i ljekare.
- Molimo Vas da vodite računa o tome da Vaše dijete u operacionu salu (OP) dođe nenašminkano.
- Naočarima i kontaktnim sočivima/lećama nije mjesto u operacionoj sali (OP). Iznimka: kod velike slabovidosti veća djeca smiju u operacionu salu (OP) ponijeti naočare. U slučaju gubitka ili štete odbija se svaka odgovornost.

Pratnja roditelja u operacionoj sali

U KSB postoji mogućnost da jedan roditelj smije pratiti dijete u operaciono odjeljenje. Prisustvo jednog roditelja djeluje umirujuće na mnogo djece. Čim Vaše dijete zaspí, Vi ćete s jednim pratiteljem iz službe dobrovoljnog rada napustiti operaciono odjeljenje, kako bi operacioni tim nesmetano mogao dalje raditi. Ostale informacije o pratnji roditelja naći ćete u specijalnoj brošuri «Pratnja roditelja u operacionoj sali». Hitni slučajevi i djeca mlađa od jedne godine ne mogu se pratiti.

Na dan dolaska

- Molimo Vas da ovisno od uzrasta djeteta ponesete igračke, igračke za maženje, odjeću, prah za flašicu i cuclu.
- Osoblje za njegu kontrolira neuzimanje tekućina i hrane i zdravstveno stanje i sprovode se eventualno nedostajuća mjerenja (krvni pritisak/tlak, težina itd.)
- Vašem djetetu se po pravilu prije operacije daje sok za smirenje.

Nakon operacije

- Nakon operacije Vaše dijete će neko vrijeme provesti u prostoriji za buđenje uz striktan nadzor.
- Za to vrijeme jedan roditelj smije pratiti dijete u prostoriji za buđenje, dok ne bude prebačeno na dječju kliniku
- Prva mobilizacija Vašeg djeteta biće potpomognuta od strane stručne osobe za njegu. Molimo Vas da sačekate odgovarajuću instrukciju i pratnju.

Pravila ponašanja poslije ambulantnih intervencija

- Već prema vrsti intervencije, moguće je da će Vaše dijete istoga dana moći otići kući.
- Molimo Vas da imate u vidu to da se izlazak može odložiti do kasno navečer.
- Za izlazak moraju biti ispunjene sljedeće tačke: stanje budnosti u skladu s uzrastom, neproblematična mobilizacija, normalno uzimanje hrane bez mučnine, nepostojanje jakih bolova.
- Nakon izlaska vodite računa o tome da dijete u prva 24 sata nakon operacije odustane od sporta i velikog fizičkog opterećenja.
- Problemi kod kuće: Ako imate problema kod kuće, poput jakih bolova, mučnine ili lošeg osjećaja, ili ako ste primijetili krvarenje, nazovite 056 486 21 11 (centrala KSB) i zamolite da govorite sa glavnim doktorom u dečijoj klinici.

Ukoliko se Vaše dijete prije operacije razboli, molimo Vas da kontaktirate ljekara za anesteziju na broju telefona 056 486 31 44. Ukoliko operacija mora da se odloži, molimo Vas da se javite Sekretarijatu klinike na kojoj se izvodi operacija čim Vaše dijete ponovo ozdravi.

Pristanak i potvrda

Dolje potpisani/potpisana potvrđuje da je gornje smjernice pročitao/la i razumio/jela. Za posljedice koje bi nastale zbog nepridržavanja ovih smjernica ne može se pozvati na odgovornost Kantonalna bolnica Baden AD.

Baden,

Datum

Potpis pacijentice/pacijenta/roditelja ili zakonitog zastupnika